

書名 大佛頂如來密因修證了義諸菩薩萬行首楞嚴  
 經十卷 弘治二年刊本  
 撰者 宋 戒環 解  
 卷 卷四  
 內容分類 子-釋家-經  
 索書號 子部-釋家-經疏-7.5  
 編號 C6463300

# 卷四

彩色首頁1

東洋文化研究所漢籍目錄 編號: C6463300  
 東洋文化研究所漢籍目錄所藏漢籍善本文影像資料庫 索書號: 子部-釋家-經疏-7.5  
 漢籍善本文影像資料庫文本文大佛頂如來密因修證了義諸菩薩萬行首楞嚴經十卷  
 弘治二年刊本

版權所有: 東京大學 東洋文化研究所  
 使用上の注意事項

大佛頂如來密因修證了義諸菩薩萬行首楞嚴經卷第

溫陵開元蓮寺比丘

戒環

解

開釋科三

初通釋經題

如來果體其體本然何假密因菩薩道用其用無作  
 萬行無因無行無修無證無了不了大小名相一切  
 此真首楞嚴豈竟堅固者也特以衆生如來隱於  
 密因不顯衆生菩薩淪於七趣非萬行不修覺  
 示之以大法使不迷於小道而默得乎無外之  
 以佛頂使不滯於相見而妙極乎無上之致指  
 因使明本妙心知三世諸佛皆依此為初因明  
 義使悟究竟法知一切聖人皆依此而證果乃

東洋文化研究所藏





大佛頂如來密因修證了義諸菩薩萬行首楞嚴經卷第四

溫陵開元蓮寺比丘 戒環 解

三深窮萬法決通疑滯 入道以見性為本了法次

之蓋雖見性不了萬法則觸途成滯故於發明心見顯

如來藏之後復以富那呈疑窮辯山河大地諸有為相

使法法決了一無疑滯然後修進可以順造也 文三

初富那疑問 十大弟子阿難多聞富那說法各互

第一前欲激發多聞狂慧使生正見故以阿難發起此

為群疑塞滯須藉講通故以富那發起皆聖人應機方

便也 文二 初叙疑

爾時富樓那彌多羅尼子在大眾中即從座起偏袒右肩



右膝著地合掌恭敬而白佛言大威德世尊善為衆生敷  
演如來第一義諦先讀前法次叙疑情也冠三乘統  
萬法名第一義諦

世尊常推說法人中我為第一今聞如來微妙法音猶如  
龍入逾百步外聆於蚊蚋本所不見何況得聞佛雖宣明  
令我除惑今猶未詳斯義究竟無疑惑地前所宣明  
有義幽遠根機昧劣故譬龍人百步聞蚋以第一法亦  
猶昧則中下之機難無疑惑所以富那示疑而請也  
世尊如阿難輩雖則開悟習漏未除我等會中豈無漏者  
雖盡諸漏今聞如來所說法音尚紆疑悔阿難習漏  
未除容有疑惑富那既盡諸漏尚紆疑悔則餘衆可知

也 二問二 一問藏性清淨何生諸相

世尊若復世間一切根塵陰處界等皆如來藏清淨本然  
云何忽生山河大地諸有為相次第遷流終而復始古  
清淨則宜無諸相本然則宜無遷流

二問四大各徧云何相容

又如來說地水火風本性圓融周遍法界湛然常住世尊  
若地性徧云何容水水性周徧火則不生復云何明水火  
二性俱徧虛空不相陵滅世尊地性障礙空性虛通云何  
二俱周徧法界而我不知是義攸往唯願如來宣流大慈  
開我迷雲及諸大衆作是語已五體投地欽渴如來無上  
慈誨二問皆攝前四科七大之文起疑也意以性相



相違理事相礙實常情疑滯故為致問庶獲決通

二如來決答二 一通許

爾時世尊告富樓那及諸會中漏盡無學諸阿羅漢如來今日普為此會宣勝義中真勝義性令汝會中定性聲聞及諸一切未得二空迴向上乘阿羅漢等皆獲一乘寂滅場地真阿練若正修行處汝今諦聽當為汝說

一有世俗諦有勝義諦脫俗冥真超情離妄世間三有出世二乘以所知心不能測度是謂勝義諦中真勝義性即下文由覺明以辯真覺因了發以窮諸妄至於山河不復出水火不相陵襲含十方毛現剎皆勝義諦中真勝義性也定性聲聞即沉空趣寂者未得二空即初

心有學迴向上乘則大心羅漢一乘寂滅場地即冠三

乘離諍論之真趣也阿練若云無諍雜

富樓那等欽佛法音默然承聽 二正答二

一答諸相所起四 初明本

佛言富樓那如汝所言清淨本然云何忽生山河大地汝常不聞如來宣說性覺妙明本覺明妙富樓那言唯然世尊我常聞佛宣說斯義 性覺妙明本覺明妙者萬法體用異稱也能性一切曰性覺性覺之妙顯乎明即自體而出見於萬法者也性之所本曰本覺本覺之明藏乎妙即自用而反冥於一真者也了斯二義則體用一覺物我一妙無復諸相之異矣



佛言汝稱覺明為復性明稱名為覺為覺不明稱為明覺  
從舉前義問之定其解惑也夫汝所謂覺所謂明意作  
何解為此性本自明靈然不昧故稱之為覺耶為復性  
自不明用心覺之故稱為明覺耶靈然不昧者真覺也  
用心覺之者妄覺也

富樓那言若此不明名為覺者則無所明  
性明為覺不以不明為覺故曰若此不明則無所明然  
不知纔有所明即墮妄覺無窮妄業由是而生也故下  
云覺非所明因明立所所妄既立生汝妄能  
佛言若無所明則無明覺  
明覺之妄由所明起  
有所非覺無所非明無明又非覺湛明性  
覺離能所

故有所非覺照了諸相故無所非明若果非明又不得  
謂之覺湛明性當知有所無所是明非明皆為妄度終  
非妙明明妙之真也  
二叙妄二  
初三細所起

性覺必明妄為明覺  
前云性覺妙明此云性覺必明  
者湛然寂照曰妙明強生了知曰必明妙明則真必明  
則妄所以妄為明覺此即三細之首妄識初相也起信  
云由不如實知真如法一故不覺心動即此相也  
覺非所明因明立所所既妄立生汝妄能無同異中熾然  
成異  
真覺本無能所因必明故妄見有所能所既立  
心境互分故無同異中熾然成異即轉相也  
異彼所異因異立同同異發明因此復立無同無異如是



擾亂相待生勞勞久發塵自相渾濁  
以彼熾然之異  
為異復因異相立同又因其有同有異故復立無同無  
異一真體中本無是事皆由能所對待妄立以擾發情  
塵遂使妙明斯渾妙湛斯濁晦昧空色自此生矣即現  
相也上三屬根本煩惱下起六處即枝葉也  
二六處所起

由是引起塵勞煩惱  
由三細而引起也深汚為塵擾  
動為勞憂前為煩惱迷亂為惱即智及相續執取計名四  
魚之物惣相自下世界相續眾生相續即業相也業果相  
續即業繫苦相也  
三感結三  
一惣明  
起為世界靜成虛空虛空為同世界為異彼無同異真有

為法  
妄覺動則勞擾發塵故起為世界妄覺伏則頑  
然冥漠故靜成虛空法界一空曰同情器萬殊曰異此  
乃於無同異中熾然成異故曰彼無同異真有為法

二別明三  
一世界起始

覺明空昧相待成搖故有風輪執持世界因空生搖堅明  
立礙彼金寶者明覺立堅故有金輪保持國土堅覺寶成  
搖明風出風金相摩故有火光為變化性寶明生潤火光  
上蒸故有水輪含十方界火騰水降交發立堅濕為巨海  
乾為洲渾以是義故彼大海中火光常起彼洲渾中江河  
常注水勢劣火結為高山是故山石擊則成燄融則成水  
土勢劣水抽為草木是故林藪遇燒成土因絞成水交妄



發生遞相為種以是因緣世界相續萬法自五行變  
化五行由妄覺發生故世界起始肇於覺明而依乎風  
金水火以生成萬物也真覺妙空本非明昧由妄為明  
覺遂有昧空明昧相傾則不覺心動故曰覺明空昧相  
待成搖故有風輪世界家下依風輪住故曰執持世界  
因空生搖等者因空昧動念覺明堅執而立礙感金也  
大地家下依金輪起故曰保持國土堅覺實成等者因  
堅覺妄搖觸起煩惱而感火也內外二界羣生為熟化  
有為無皆火大所變故曰為變化性實明生潤等者由  
堅覺生識而蒸以煩惱積情發愛而感水也世界居大  
海內故曰含十方界火騰水降等者妄覺煩起妄識橫

流交結立礙而感土也地性堅礙故曰立堅其高為山  
其深為海皆土也水阜曰洲沙汀曰渾諸皆肇於妄覺  
感於五行故曰交妄發生遞相為種也土水生木木土  
生金金木生火火金生水水火生土世界初由覺明發  
識為水空昧結色為土相待成搖為風為木即土水生  
木也又因空昧之土生搖為木而堅明立礙即木土生  
金也餘文甚明土由水火所生若子受父母氣分故海  
中火起潭中水注也五行以我剋為妻夫劣然後陰陽  
和而生子故水劣火為山土劣水為木焰融明水火氣  
分燒絞明土水氣分也此世界相續之由也  
二衆生起始



復次當據那明妄非他覺明為外所妄既立明理不踰以是因緣聽不出聲見不起色色香味觸六妄成就由是分開見覺聞知同業相纏合離成化。明妄者指堅明明覺搖明之妄無他特覺明妄心為外身真明妙理本無能所元一圓融清淨寶覺由所妄既立遂成隔礙故明理不踰以不踰故聽見六根於是妄局色香六塵於是妄徠覺知六識於是妄分根塵識三為業性故發起妄業於是同業相纏合離成化此六道四生之始也同業即胎卵類因父母已三者業同故相纏著而有生合離即濕化類不因父母但由已業或合濕而成形即蠢蠕也或離異而托化如天獄鬼等類也。

見明色發明見想成異見成憎同想成愛流愛為種納想為胎交造發生吸引同業故有因緣生羯羅藍過蒲曇等胎卵濕化隨其所應卵唯想生胎因情有濕以合感化以離應情想合離更相變易所有受業逐其飛沉以是因緣眾生相續。妄見所明而顯發妄色曰見明色發此由心生境也因明起見而因見生想曰明見想成此由境生情也見異則境違故成憎想同則心順故成愛三愛交注曰流三想相投曰納愛為輪迴根本故流愛為種想為傳命之媒故納想成胎藉交造而發生由同業而吸引此受生托質之始也胎中五位七日一變羯羅藍此云凝滑初七日之相也過蒲曇云胞二十七日之相也



以至鉢羅奢佉等也。四生之類，卵應於想，胎應於情，濕應於合，化應於離。故曰：隨其所應也。亂思曰：想結愛。白情氣附曰：合。合濕而生也。形道曰：離。離此生彼也。情想合離，有生皆具此以多分言耳。卵生居首者，想念初動，情愛後起，以無胎濕化故也。此文論想乃內分，緣想非外分，淨想論化乃轉，純業化非意生妙化也。情想合離更相變易者，或情變為想，合變為離，無定業也。卵易為胎，濕易為化，無定質也。故所受業報，或升或沉，無定趨也。此眾生相續之由也。三業果起始富樓那：想愛同結，愛不能離，則諸世間父母子孫相生不斷。是等則以欲貪為本。

父母子孫非愛不聚，非欲不生。貪愛同滋，貪不能止，則諸世間卵化濕胎隨力強弱，遞相吞食是等，則以殺貪為本。

胎卵濕化以弱遭食，緣貪起殺。

以人食羊，羊死為人；人死為羊，如是乃至十生之類，死死生生，互來相噉。惡業俱生，窮未來際，是等則以盜貪為本。不與而取曰盜，以陰取曰盜，以人食羊，不與取也。羊死為人，互來相噉，陰取也。世間相噉，皆盜貪也。淫殺盜三為業果根本。

汝負我命，我還債汝，以是因緣，經百千劫，常在生死。汝愛我心，我憐汝色，以是因緣，經百千劫，常在纏縛。



上明業果之本此明相續之由負債殺盜等也愛憐欲貪由也

唯殺盜淫三為根本以是因緣業果相續也 結顯也

三結答

富樓那如是三種顛倒相續皆是覺明明了知性因了發相從妄見生山河大地諸有為相次第遷流因此虛妄終而復始 惣據前文結答世界眾生業果皆覺明為性也覺明即性覺必明者也明了知性即妄為明覺者也了發相即因明立所者也妄見即生汝妄能者也此虛妄指覺明也前問云何忽生山河至終而復始此全據其辭而指覺明以答也 四躡迹疑難一 一富那及難

所圖書

富樓那云若此妙覺本妙覺明與如來心不增不减無狀忽生山河大地諸有為相如來今得妙空明覺山河大地有為習漏何當復生 妙覺指無真妄之體也本妙覺

明依真起妄者也眾生覺體與佛無別無端忽生諸有為相則如來既證空覺何時復生諸有耶此固常情所惑故特及難也 二佛與曲盡五

一既覺不迷二 一喻明

佛告富樓那譬如迷人於一聚落或南為北此迷為復因迷而有因悟所出富樓那言如是迷人亦不因迷又不因悟何以故迷本無根云何因迷悟非生迷云何因悟 聚落村市也漢書無燔聚落聚落喻性分南北喻迷倒



然南北初不易則性分本無倒故曰迷本無根悟非生迷

佛言彼之迷人正在迷時倏有悟人指示令悟富樓那於意云何此人縱迷於此聚落更生迷不不也世尊

二合顯

富樓那十方如來亦復如是此迷無本性畢竟空昔本無迷似有迷覺覺迷滅覺不生迷

本無迷而謂從迷覺名覺迷迷 二妙空無習二

一喻明

亦如翳人見空中華翳病若除華於空滅忽有愚人於彼空華所滅空地待華更生汝觀是人為愚為慧

翳喻妄見華喻山河空華滅地喻妙空明覺

富樓那言空元無華妄見生滅見華滅空已是顛倒勅令更出斯實狂癡云何更名如是狂人為愚為慧

二合顯

佛言如汝所解云何問言諸佛如來妙覺明空何當更出

山河大地 既了所喻何復前疑 三果覺無變

又如金鑽雜於精金其金一純更不成雜

四果德無生

如木成灰不重為木 五結答

諸佛如來菩提涅槃亦復如是 菩提果覺也涅槃果

德也果至無礙無生則習漏不生可知矣四喻之意前



二明昔本無迷遂由妄起後二明習漏妄緣證乃永斷  
若但舉前喻恐謂妄不好真或能自滅成撥無執但舉  
後喻恐謂覺本非淨性本有生成雜染見所以四喻兼  
舉使知迷悟雖妄而不廢修證也

二答四大相容二

一牒

富樓那又汝問言地水火風本性圓融周徧法界疑水火  
性不相陵滅又徵虛空及諸大地俱遍法界不合相容

二答三

一略明能容二

一引喻

富樓那譬如虛空體非群相而不拒彼諸相發揮  
虛空非諸相而諸相依空而發真體非四大而四大擊  
真而成先非水火故不相拒此惣標下別釋

所以者何富樓那彼大虛空日照則明雲屯則暗風搖則  
動霽澄則清氣凝則濁土積成霾水澄成映

此示諸相下明相容靈風雨土也

於意云何如是殊方諸有為相為因彼生為復空有若彼  
所生富樓那且日照時既是日明十方世界同為日色云  
何空中更見圓日若是空明空應自照云何中霄雲霧之  
時不生光曜當知是明非日非空不異空且觀相元妄無  
可指陳猶邀空華結為空果云何詰其相陵滅義觀性元  
真唯妙覺明妙覺明心先非水火云何復問不相容者  
觀相既妄陵滅亦妄觀性一直無不容者隨處而發故  
曰殊方彼指日雲等也

二合顯



真妙覺明亦復如是汝以空明則有空現地水火風各各發明則各各現若俱發明則有俱現此如空非相不拒發揮也汝以空明等者以事言之如鑿井出空照燧生火是也以業言之如起為世界靜成虛空風金相摩故有火光是也以心言之妄起空見則有空現地水火風亦復如是故曰各各發明則各各現各各謂前後也俱謂同時也

云何俱現富樓那如一水中現於日影兩人同觀水中之日東西各行則各有日隨二人去一東一西先無準的不應難言此日是一云何各行各日既雙云何現一宛轉虛妄無可憑據釋俱現之相也日影隨人不一如七

隨緣成異先無準的不應詰難 二廣明互現三

一隨妄發現

富樓那汝以色空相傾相奪於如來藏而如來藏隨為色空周徧法界是故於中風動空澄日明雲暗衆生迷悶背覺合塵故發塵勞有世間相迷失真體分別緣影名背覺合塵了相元妄觀性元真名滅塵合覺

二依真發現

我以妙明不滅不生合如來藏而如來藏唯妙覺明圓照法界是故於中一為無量無量為一小中現大大中現小不動道場徧十方界身含十方無盡虛空於一毛端現實王刹坐微塵裏轉大法輪色空世間妄相也妙明真



如妙性也皆如來藏所現元一圓融特由衆生背真合  
妄故局促世相之中諸佛滅妄合真故妙得真如之用  
所以一多互應小大相容現寶刹於毛端轉法輪於塵  
裏事事無礙法法如如蓋由觀相元妄無可指陳觀性  
元真故無不容者 三離即圓會三 一依體圓非  
滅塵合覺故發真如妙覺明性而如來藏本妙圓心非心  
非空非地非水非風非火 雖滅塵發真於一多小大  
能一切如而本妙圓體初無變異故非心非火乃至非  
世出世法也非心非火謂非七大五陰也心即識大而  
攝五陰  
非眼非耳鼻舌身意非色非聲香味觸法非眼識界如是

乃至非意識界 謂非十八界亦攝十二處

非明無明明無明盡如是乃至非老非死非老死盡

非緣覺法也緣覺觀十二緣欲翻無明為明十二緣有

生起相有修斷相此兼舉之 非聲聞法也聲聞修

非苦非集非滅非道非智非得 四諦法以智為能證以果為所得

非檀那非尸羅非毗梨耶非羸提非禪那非般刺若非波

羅蜜多 非菩薩法也菩薩修六度行檀等即施戒忍

進禪智也波羅蜜即度也 如是乃至非恒闍阿竭非阿羅訶三耶三尊

非如來法也恒闍阿竭此云如來阿羅訶云應供三耶





三菩云正遍知即十号之三也

非大涅槃非常非樂非我非淨  
淨為涅槃四德  
非佛果法也常樂我

以是俱非世出世故  
結上起下也自七大至十八界

為世間法自緣覺至大涅槃為出世法  
二休用圓即

即如來藏元明心妙即心即空即地即水即風即火即眼

即耳鼻舌身意即色即聲香味觸法即眼識界如是乃至

即意識界即明無明明無明盡如是乃至即老即死即老

死盡即苦即集即滅即道即智即得即檀那即尸羅即毗

梨耶即羣提即禪那即鉢刺若即波羅蜜多如是乃至即

恒闍阿竭即阿羅訶三耶三菩即大涅槃即常即樂即我

即淨  
體雖無變用乃如如故即心即法即法即心也

三雙會圓泯

以是俱即世出世故即如來藏妙明心元離即離非是即

非即  
既非而即即而非妙絕心言不容測度矣此

文似乎矯亂而各有所主初曰本妙圓心自體言也次

曰元明心妙自用言也終曰妙明心元合體用言之也

本妙圓心是本非末是圓非偏是心非物乃真淨妙體

故非一切法也元明心妙是元非本是明非體乃如如

妙用故即一切法也妙明心元是妙之明是心之元微

妙並觀故離即離非是即非即妙造乎此則體用圓泯

情謂斯絕而藏心妙性廓無瑕玷矣  
三結責妄度





如何世間三有眾生及出世間聲聞緣覺以所知心測度如來無上菩提用世語言入佛知見結妙絕心言責其妄度蓋為擬心動念即乖法體也

譬如琴瑟笙篳琵琶雖有妙音若無妙指終不能發汝與眾亦復如是實覺真心各各圓滿如我按指海印發光汝暫舉心塵勞先起由不勤求無上覺道愛念小乘得少為足

琴音雖具非指不發人心雖圓非師不悟前之多方顯如來藏即佛之按指也身心萬法當處昭然即海印發光也而富那等隨語生解疑慮紛紜是塵勞先起也此由不求無上覺道愛念小乘之咎也今夫宗師扣擊直下歷然學者因之競生狂解皆由情塵易起故



動涉疑妄使知無上覺道則一唱一酬足以廓清天地

何復塵勞之有大集經云闍浮萬像皆現海中故名海印

三躡迹疑難二 一富那疑難一 初問難

富樓那言我與如來實覺圓明真妙淨心無二圓滿而我昔遭無始妄想久在輪迴今得聖乘猶未究竟世尊諸妄

一切圓滅獨妙真常敢問如來一切眾生何因有妄自蔽

妙明受此淪溺 躡上各各圓滿之言發問也既悟無

二益顯妄淪而不知妄之所由故請窮其因

二答難三 一原妄所起二 初引喻

佛告富樓那汝雖除疑餘惑未盡吾以世間現前諸事今

復問汝汝豈不聞室羅城中演若達多忽於晨朝以鏡照

復問汝汝豈不聞室羅城中演若達多忽於晨朝以鏡照



法苑珠林卷之...

面愛鏡中頭骨目可見噴責已頭不見面目以為魑魅無狀狂走於意云何此人何因無故狂走富樓那言是人心狂更無他故

喻因執影明遂迷本真妄隨流轉 二法合

佛言妙覺明圓本圓明妙既稱為妄云何有因若有所因云何名妄自諸妄想展轉相因從迷積迷以歷塵劫雖佛發明猶不能返

本圓明妙言本無虧欠本無迷妄也此人人本來面目也柰何以妄二之虧之遂分物我強起愛憎諸妄相因迷輪不返

如是迷因因迷自有識迷無因妄無所依尚無有生欲何

為滅得菩提者如寤時人說夢中事心縱精明欲何因緣取夢中物況復無因本無所有 富那自恨昔遭妄想

而稱世尊諸妄圓滅似謂迷有所因妄有可滅故告以此如彼城中演若達多豈有因緣自怖頭走忽然狂歌頭非外得縱未歇狂亦何遺失富樓那妄性如是因何為在

牒喻重顯令了妄無因無可滅者 二勸息妄緣

汝但不隨分別世間業果眾生三種相續三緣斷故三因不生則汝心中演若達多狂性自歇 世間業果眾生

皆妙心影明如鏡中頭分別則妄故不隨分別則狂性自歇也以世間業果眾生為三緣者妄心緣之而起也以殺盜淫為三因者妄心因之而有也所謂自諸妄想



長轉相因故斷而不生則狂性自歇  
三妄息真現

歇即菩提勝淨明心本周法界不從人得何藉劬勞肯綮

修證所謂但離妄緣即如如佛也肉白骨白肯綮

之間小結可答曰紫莊子技經肯綮之末嘗今以肯綮

譬斷微細惑結蓋劬勞修證只為妄惑妄因既息惑結

自除故不勞肯綮也

譬如有人於白衣中繫如意珠不自覺知窮露他方乞食

馳走雖實貧窮珠不曾失忽有智者指示其珠所願從心

致大饒富方悟神珠非從外得一問難 辟妄息真現不勞修

證也  
二阿難疑難二  
一問難

即時阿難在大眾中頂禮佛足起立白佛世尊現說殺盜

姪業三緣斷故三因不生心中達多狂性自歇歇即菩提

不從人得斯則因緣皎然明白云何如來頓棄因緣我從

因緣心得開悟世尊此義何獨我等年少有學聲聞今此

會中大目犍連及舍利弗須菩提等從老梵志聞佛因緣

發心開悟得成無漏通躡上文起難為後學決疑也

上稱緣斷而因不生斯正因緣之義何前言頓棄耶從

老梵志者須菩提等皆晚年從外道來

今說菩提不從因緣則王舍城拘舍梨等所說自然成第

一義唯垂大悲開發迷悶今棄因緣則外道自然之

執為當矣富那之後又以阿難問難者諸法既明則進

修無滯將示修證之門故復以當機之人發起



二答難五

一例前推本

佛告阿難即如城中演若達多狂性因緣若得滅除則不狂性自然而出因緣自然理窮於是狂因既滅則自然性出不狂之前二皆本無由是觀之凡所謂因緣自然本皆不有悉由狂妄而立故曰理窮於是

二詳明妄立三

一以因緣破自然

阿難演若達多頭本自然本自其然無然非自何因緣故怖頭狂走午自然者本自天然不假因緣也若本自然則或狂不狂無所然而非自矣夫何又假照鏡因緣而後狂走此自然之計墮矣二以自然破因緣若自然頭因緣故狂何不自自然因緣故失本頭不失狂怖



妄出曾無變易何藉因緣

若本自不狂假因緣故狂

則本自不失盡假因緣故失頭既不失特由狂妄則因

緣之計墮矣 三明妄立

本狂自然本有狂怖未狂之際狂何所潛不狂自然頭本

無妄何為狂走 若狂怖本於自然則是本有狂怖然

既無所潛非本狂矣若狂怖不本於自然則頭本無妄

何為狂走非本不狂矣既非本狂非不本狂是知自然

因緣之說皆妄立也 三令悟實相

若悟本頭識知狂走因緣自然俱為戲論是故我言三緣

斷故即菩提心 若悟本真則知諸妄了不相關真見

性人一切妄緣豁然蕩絕得大解脫者以此



四示無戲論

菩提心生生滅心滅此但生滅滅生俱盡無功用道若有自然如是則明自然心生生滅心滅此亦生滅無生滅者名為自然猶如世間諸相雜和成一體者名和合性非和合者稱本然性本然非然和合非合合然俱離離合俱非此句方名無戲論法。菩提心中本無生滅亦無自然若謂菩提心生生滅心滅此但生滅非菩提也若謂滅生俱盡無功用道有自然者因是則明自然心生生滅心滅此亦生滅非菩提也而又指無生滅者名為自然皆則戲論譬如因有雜和故說和合而反指非和合者稱本然性是皆對待妄立戲論之法直使然與非然

合與非合一切遠離亦無離與不離之心乃真無功用道無戲論法也

菩提涅槃尚在遙遠非汝歷劫辛勤修證雖復憶持十方如來十二部經清淨妙理如恒河沙祇益戲論

此責其妄計戲論難契菩提故曰菩提遙遠非汝能證雖持多經亦益戲論也 五結外勸修

汝雖談說因緣自然決定明了人間稱汝多聞第一以此積劫多聞熏習不能免離摩登伽難何須待我佛頂神呪摩登伽心煙火頭散得阿那含於我法中成精進林愛河乾枯令汝解脫是故阿難汝雖歷劫憶持如來秘密妙嚴不如一日修無漏業遠離世間憎愛二苦 因緣自然



有益於難無益於道多聞第一有益於名無益於實故  
雖積劫熏持不如一月修無漏業無漏業者首擇真定  
也得此定者永滅諸漏故離憎愛苦  
如摩登伽宿為姓女由神呪力銷其愛欲法中今名性吐  
丘尼與羅睺母耶輸陀羅同悟宿因知歷世因貪愛為苦  
一念熏修無漏善故或得出纏或蒙授記  
明熏無漏  
業之速効也摩登伽此云本性故名性吐丘尼宿因即  
歷世貪愛苦因也出纏登伽也授記耶輸也  
如何自欺尚留觀聽  
結責阿難公捨苦本修無漏道  
無以貪愛存於心目也自初決擇真妄發明覺性乃至  
深窮萬法決通疑滯皆為家初方便使其信解真正為



因地心因心既真斯可圓成果地修證故前經止此別  
起下文  
二修道分  
雖見性真非修真證故即  
前了義示修行門  
文三  
初修行真基二

初阿難伸請

阿難及諸大眾聞佛示誨疑惑消除心悟實相身意輕安  
得未曾有重復悲淚頂禮佛足長跪合掌而白佛言無上  
大悲清淨寶王善開我心能以如是種種因緣方便提獎  
引諸沉冥出於苦海  
讚謝前法也惑消心悟身意輕  
安謝發明覺性決通疑滯之益也多方便誨示為無上大  
悲洗我沉垢為清淨寶王  
世尊我今雖承如是法音知如來藏妙覺明心遍十方界



會育如來十方國土清淨寶嚴妙覺王刹如來復責多聞  
無功不速修習引前請後也

我今猶如旅泊之人忽蒙天王賜與華屋雖獲大宅要因

門入唯願如來不捨大悲示我在會諸蒙暗者指捨小乘

畢獲如來無餘但願本發心路今有學者從何攝伏曠昔

攀緣得陀羅尼入佛知見失性如旅泊見性如華屋

見性不修如獲屋不入故請如來本發心路真入佛知

見也無餘但願圓果也本發心路圓因也陀羅尼圓行

也佛知見圓解也既已見性又求入佛知見者見方開

示修乃悟入周稱天子曰天王問諸王也

作是語已五體投地在會一心仰佛慈旨全在力也



二佛慈開示二

初叙意標宗

爾時世尊哀愍會中緣覺聲聞於菩提心未自在者及為

當來佛滅度後末法眾生發菩提心開無上乘妙修行路

宣示阿難及諸大眾汝等決定發菩提心於佛如來妙三

摩提不生疲倦應當先明發覺初心二決定義

二開示二義二

一審因心二

一慈叙

云何初心二義決定阿難第一義者汝等若欲捐捨聲聞

修菩薩乘入佛知見應當審觀因地發心與果地覺為同

為異阿難若於因地以生滅心為本修因而求佛乘不生

不滅無有是處不生不滅合如來藏為同以生滅心



求常住果為異  
二審察二  
一外審

以是義故汝當照明諸器世間可作之法皆從變滅阿難  
汝觀世間可作之法誰為不壞然終不聞爛壞虛空何以  
故空非可作由是始終無壞滅故  
使先審有為法無  
非幻妄例明已身即幻妄本唯湛圓真體終無滅壞是  
為真基也  
二內審二  
一明妄三  
一示濁因  
則汝身中堅相為地潤濕為水煖觸為火動搖為風由此  
四纏分汝湛圓妙覺明心為視為聽為覺為察從始入終  
五疊渾濁  
四大假幻妄之身縛性為纏五疊織見覺  
之妄用湛為濁纏為生死根本濁為惑業根本故應審  
明  
二明濁相



云何為濁阿難譬如清水清潔本然即彼塵土灰沙之倫  
本質留礙二體法爾性不相循有世間人取彼土塵投於  
淨水土失留礙水上清潔容貌汨然名之為濁汝濁五重  
亦復如是  
清水覺湛明性也塵沙煩惱惑業也性不  
相循真妄殊淨異也世間人非出世智也故起惑擾湛  
使性渾濁  
三釋濁義  
此五濁義與法華別蓋  
彼依果言此依因言也因者由於覺湛明性暫起妄惑  
相纏成濁次第有五劫濁者劫云時分即三細初不覺  
心動之相為無明初起之時非劫末之劫濁也見濁即  
轉相現相也煩惱濁即六塵前四衆生濁即業相命濁  
業繫苦相也  
文五  
一劫濁





阿難汝見虛空徧十方界空見不分有空無體有見無覺  
相織妄成是第一重名為劫濁 覺非空色由一念不

覺妄見空相以生發通迷故空見不分以不分故有空  
無體為雜於見也有見無覺為雜於空也此無明初起

混茫之相也故為第一重 二見濁

汝身現搏四大為體見聞覺知壅令留礙水火風土旋令  
覺知相織妄成是第二重名為見濁 真性廓湛本無

見覺由四大搏結以成根隔故見覺生而廓湛壅四大

旋而覺知生是謂相織 三煩惱濁

又汝心中憶識誦習性發知見容現六塵離塵無相離覺  
無性相織妄成是第三重名為煩惱濁 憶識誦習即

智及相續執取計名之事也由是於性之內分發六知  
根容之外分現六塵境根境煩惱構以惱湛性名煩惱濁

四眾生濁

又汝朝夕生滅不停知見每欲留於世間業運每常遷於  
國土相織妄成是第四重名眾生濁 朝夕生滅即造

業相也知見欲留即應著三界業運常遷即隨趣受生

此所以為眾生也 五命濁

汝等見聞元無異性眾塵隔越無狀異生性中相知用中  
相背同異失準相織妄成是第五重名為命濁

見聞自湛圓而分故元無異性眾塵隔圓融之體故無  
端成異自性觀之同一真常故曰相知自用觀之互起



生滅故曰相背真常生滅同異和合失其準常是命濁  
之妄織也五濁從細至麤有生皆具所謂生死根本虛  
妄滅生者也 二審真

阿難汝今欲令見聞覺知遠契如來常樂我淨應當先擇  
死生根本依不生滅圓湛性成以湛旋其虛妄滅生伏還  
元覺得元明覺無生滅性為因地心然後圓成果地修證  
如澄濁水貯於靜器靜深不動沙土自沉清水現前名為  
初伏客塵煩惱去沉純水名為永斷根本無明明相精純  
一切變現不為煩惱皆合但離清淨妙德 見聞覺知  
六受用根也常樂我淨但離妙德也生死根本五濁業  
用也夫欲及妄契真先當擇去生死妄本依不生滅圓

湛之性以成其功如澄濁水必於靜器以湛旋其虛妄  
使伏還元覺如以靜沉其沙土使清水現前也此則初  
伏客塵煩惱而已蓋方旋之使伏非真無生滅性也及  
得其本元真明之覺無生滅性則無明之根本永斷而  
覺湛明相於是精純一切變現不為煩惱如去沉純水  
一任攪淘無復汨濁乃可為因地心也因地心如此則果  
地修證無有不圓涅槃妙德無有不合故因地心不可不  
審也 二審業本五 一總教審察

第二義者發等必欲發菩提心於菩薩乘生大勇猛決定  
棄捐諸有為相應當審詳煩惱根本此無始來發業隨生  
誰作誰受阿難汝修菩提若不審觀煩惱根本則不能知



虛妄根塵何處顛倒處尚不知云何降伏取如來位  
無明發業受取潤生六識能作梨耶能受潛為煩惱根  
本發為虛妄根塵知之乃可降伏降之乃可取果  
阿難汝觀世間解結之人不見所結云何知解不聞虛空  
被汝墮裂何以故空無相形無結解故  
處也引空義者謂除無結則無解而孰能無結哉  
二正示業本  
釋上須知其

則汝現前眼耳鼻舌及與身心六為賊媒自劫家寶由此  
無始眾生世界生纏縛故於器世間不能超越  
示虛妄根塵顛倒處也眼耳六賊妄根也媒引六境妄  
塵也自劫真性自生纏縛顛倒也眾生世界即根身也

器世間即三界也

三廣明妙用

阿難云何名為眾生世界世為遷流界為方位汝今當知  
東西南北東南西南東北西北上下為界過去未來現在  
為世方位有十流數有三一切眾生織妄相成身中貿遷  
世界相涉  
眾生世界亦具四方即左右前後是也世  
者三際迭遷界者各有定位界位有十世數有三一身  
所具理自互涉故曰身中貿遷世界相涉  
而此界性設雖十方定位可明世間祇目東西南北上下  
無位中無定方  
方雖有十常數唯四  
四數必明與世相涉三四四三宛轉十二流變三疊二十  
百千惣括始終六根之中各各功德有千二百  
三四



互涉故曰宛轉三世流變故有三疊自一疊十十疊百  
百疊千成千二百六根各具然此權依世論以顯妙用  
大略耳若夫六解一互用圓照夫何數量所及  
阿難汝復於中克定優劣如眼觀見後暗前明前方全明  
後方全暗左右傍觀三分之二統論所作功德不全三分  
言功一分無德當知眼唯八百功德 依四方論則一互  
百以三分言則一分四百先顯纖妄欲明根結之始使知  
所解也次辨優劣欲明耳根圓通使知所選也  
如耳周聽十方無遺動若通靜無邊際當知耳根圓滿  
一千二百功德 能周聽故功全也動若等者隨彼之  
動則似有近遠在我之靜則周聽無邊



如鼻與聞通出入息有出有入而關中文驗於鼻根三分  
關一當知鼻唯八百功德 出能取香入能聞香出入  
之中無能故關中文  
如舌宣揚盡諸世間出世間智言有方分理無窮盡當知  
舌根圓滿一千二百功德 世出世智所知之境唯舌  
詮顯其言雖高其理不窮  
如身覺觸識於違順合時能覺離中不知離一合雙驗於  
身根三分關一當知身唯八百功德 離關一分合全  
二分曰離一合雙  
如意默容十方三世一切世間出世間法唯聖與凡無不  
包容盡其涯際當知意根圓滿一千二百功德



四辨審圓根 一 惣告

阿難汝今欲逆生死欲流返窮流根至不生滅當驗此等  
六受用根誰合誰離誰深誰淺誰為圓通誰不圓通若能  
於此悟圓通根逆彼無始無業流得循圓通與不圓根  
日劫相倍一流根即妙湛不動者也失之而出流逆空境  
名生死流逆之而入及流全一名不生滅六受用根即  
上所明者循圓則合性而深不圓則離性而淺深淺相  
違故遲速之功日劫相倍夫欲速及須擇圓根也  
我今備顯六湛圓明本所功德數量如是隨汝詳擇其可  
入者吾當發明令汝增進十方如來於十八界一一修行  
皆得圓滿無上菩提於其中間亦無優劣但汝下劣未能



於中圓自在慧故我宣揚令汝但於一門深入一無妄  
彼六知根一時清淨一得圓自在慧則十八界無非圓通然

下劣初機未能圓得且自一門而入一根無妄則六皆清淨不  
唯悟十八界塵塵剎剎皆圓通矣二別明二一問

阿難白佛言世尊云何逆流深入一門能令六根一時清  
淨二答四一辯惑

佛告阿難汝今已得須陀洹果已滅三界衆生世間見所  
斷惑然猶未知根中積生無始虛習彼習要因修所斷得  
何況此中生住異滅分割頭數一湛圓因惑而分二自  
惑而生故將告一六之義先與辯惑也小乘見道門斷三  
界貪嗔癡等十分別惑乃證初果故曰已得陀洹已滅



見惑也。修道門斷三界貪嗔癡慢四俱生惑，亦曰思惑。此乃根中累生，無始虛習。三果乃斷，所以阿難未知也。況此根中更有生住異滅諸微細惑，其分剗頭數又非阿難所知者。斷盡此惑，六湛乃圓。二推明。今汝且觀現前六根為一，為六。阿難若言一者，耳何不見，目何不聞，頭奚不履，足奚無語。若此六根決定成六，如我今會與汝宣揚微妙法門，汝之六根誰來領受。阿難言：我用耳聞佛言，汝耳自聞，何關身口。口來問義，身起欽承。耳不見足，無語不可以為一也。耳聞法而身口同不可以為六也。是故應知非一終六，非六終一。終不汝根元一元六阿難。



當知是根非一，非六由無始來顛倒輪替，故於圓湛一六義生。既無定趣，則一六之義非本元有，由顛倒生。汝須陀洹雖得六銷，猶未亡一。六者，塵惑妄結也。一者，法執細識也。須陀洹已斷塵惑，不入色聲香味觸法。是得六銷而尚滯法執，是未亡一也。以後文證之。此乃方得人空而未能成法解脫，至俱空不生乃亡一矣。然小乘必消六然後亡一大乘直亡一使六自消。叔世窮道雖曰得妙意，涉離微末，其真能亡一者不可多得。覆尋聖言蓋深有所發也。如太虛空，參合群器，由器形異名之異空。除器觀空，說空為一。彼太虛空云何為汝成同不同。何況更名是一非一。



則汝了知六受用根亦復如是。虛空本非同異喻湛

圓本非一六合器除器喻前一六義生之由也知大虛之同異

是非了無所立則一六併亡而湛圓不分矣。三原妄

一六既無而現有六根者由粘湛妄發耳故原其妄發

之源以示之。文七 一原眼

由明暗等二種相形於妙圓中粘湛發見。妙湛圓明

本非見覺由粘妄失真於是發見。

見精映色細色成根根元目為清淨四大因名眼體如蒲

萄朶浮根四塵流逸奔色。見精眼識也色眼塵也二

者妄結以成眼根此根之元攬四大而成體以未奔境

故名清淨方是之時如蒲萄朶而已蓋體雖具而識未



流所謂但如鏡中無別所知者是也及乎流逸奔境則

染故轉名浮根四塵而不名清淨四大。二原耳

由動靜等二種相擊於妙圓中粘湛發聽聽精映聲卷聲

成根根元目為清淨四大因名耳體如新卷葉浮根四塵

流逸奔聲。自此而下皆例上釋新卷葉則有竅而已

三原鼻

由通塞等二種相發於妙圓中粘湛發嗅嗅精映香納香

成根根元目為清淨四大因名鼻體如雙垂爪浮根四塵

流逸奔香。四原舌

由恬變等二種相系於妙圓中粘湛發嘗嘗精映味紋味

成根根元目為清淨四大因名舌體如初恒月浮根四塵



流逸奔味常性為恬奔味為變初生之月恒然若相如之皆  
喻無情之物者明體雖具而識未流也五原身

由離合等二種相摩於妙圓中粘湛發覺覺精映觸搏觸  
成根根元目為清淨四大因名身體如腰鼓類浮根四塵  
流逸奔觸覺精身識也腰鼓類徒有觸體未有觸用

喻清淨根元也類喻根元則鼓喻浮根元因浮根然後  
流如類因成鼓然後觸六原意

由生滅等二種相續於妙圓中粘湛發知知精映法覽法  
成根根元目為清淨四大因名意思如幽室見浮根四塵  
流逸奔法暗室之見亦有體而已識未流也七結顯

阿難如是六根由彼覺明有明明覺失彼精了粘妄發光



有明明覺如所謂性覺必明妄為明覺也粘妄發光則

妄有見覺也

是以汝今離暗離明無有見體離動離靜元無聽質無通

無靈與性不生非變非恬嘗無所出不離不合覺觸本無

無滅無生不知安寄釋上因妄發故六皆虛妄若離六

塵悉無自體了知即意用也四顯圓四一開發

汝但不循動靜合離恬變通塞生滅明暗如是十二諸有

為相隨拔一根脫粘內伏伏歸元真發本明耀耀性發明

諸餘五粘應拔圓脫彼十二相能粘六根障湛明故拔

一根而本明發本明一發則妄粘皆脫而圓矣

不由前塵所起知見明不循根寄根明發由是六根互相



為用。粘妄則由前塵循浮根故成隔礙。脫粘則不由  
不循特寄根而已。故能互用。二引證  
阿難汝豈不知今此會中阿那律陀無目而見跋難陀龍  
無耳而聽瓊伽神女非鼻聞香驕梵鉢提異舌知味摩若  
多神無身覺觸如來光中映令暫現既為風質其體元無  
諸滅盡定得寂聲聞如此會中摩訶迦葉又滅意根圓明  
了知不因心念。那律尊者因精進失明而能見賢喜  
龍王無耳能聽恒河之神無鼻聞香驕梵受牛哨報故  
曰異舌舜若多主空神也其質如風而能覺觸修滅盡  
定得空寂者意根斯滅如大迦葉者雖滅意根而能了  
知此皆不由不循而發本明耀者也。三結示



何難今汝諸根若圓拔已內營發光如是淨塵及器世間  
諸變化相如湯銷冰應念化成無上知覺。失彼精了  
由塵起見則根境成礙故脫粘圓拔真光發則淨塵  
幻相如湯消冰成一圓融清淨實覺。四驗顯  
阿難如彼世人聚見於眼若今急合暗相現前六根黯然  
頭足相類彼人以手循體外繞彼雖不見頭足一辨知覺  
是同緣見因明暗成無見不明自發則諸暗相永不能昏  
根塵既銷云何覺明不成圓妙。聚見於眼則緣明有  
見之時也急合而暗則暗成無見之時也六根頭足既  
黯然無見而觸之一一能辨同於明時由是驗之不明  
自發暗不能昏者人人具有但脫粘消塵自成圓妙矣



五際審常性二 一問難

何難白佛言世尊如佛說言因地覺心欲求常住要與果位名目相應及一際前起難也

世尊如果位中菩提涅槃真如佛性普摩羅藏空如來藏大圓鏡智是七種名稱謂雖別清淨圓滿體性堅凝如金剛王常住不壞若此見聽離於明暗動靜通塞畢竟無體猶如念心離於前塵本無所有云何將此畢竟斷滅以為修因欲獲如來七常住果七離幻復真常住不壞名七常住果而見聽六用離塵無體是斷滅法依斷滅因求常住果烏得相應耶此誤認緣塵迷失常性也由失常性故難契常果實修證大患故須難明也諸佛所得曰



菩提寂靜常樂曰涅槃不妄不變曰真如離過絕非曰佛性分別一切而無係著曰普羅識一法不立煩惱蕩盡曰空如來藏洞照萬法而無分別曰大圓鏡智普摩羅此云無垢即第九白淨識也此已成智而名識者以能分別故楞伽曰分別是識無分別是智有空如來藏有不空如來藏有空不空如來藏實藉經曰空如來藏離不解脫一切煩惱不空如來藏具河沙佛不思議法空不空如來藏隨為色空普應一切後二隨用得名獨空如來藏為真體故為果彌

世尊若離明暗見畢竟空如無前塵念自性滅進退循探微細推求本無我心及我心所將誰在因求無上覺如來



先說湛精圓常違越誠言終成戲論云何如來真實語者  
唯垂大慈開我蒙悛並復揣六用起若斷滅而反以佛  
說湛常為不誠而近乎戲論不得為真實語者

二與密二

一辨迷三

一叙迷

佛告阿難汝學多聞未盡諸漏心中徒知顛倒所因真倒  
現前實未能識恐汝誠心猶未信伏吾今誠將塵俗諸事  
當除汝疑

二驗倒二

一約根驗

即時如來勅羅睺羅擊鐘一聲問阿難言汝今聞不阿難  
大衆俱言我聞鐘歇無聲佛又問言汝今聞不阿難大衆  
俱言不聞時羅睺羅又擊一聲佛又問言汝今聞不阿難

大衆又言俱聞佛問阿難汝云何聞云何不聞阿難大衆  
俱言佛言鐘聲若擊則我得聞擊久聲銷音響雙絕則名  
無聞此但無聲非謂無聞必再擊疊問者欲令審辨

而有悟也

二約塵驗

如來又勅羅睺羅擊鐘問阿難言汝今聲不阿難大衆俱言  
有聲少選聲銷佛又問言爾今聲不阿難大衆答言無聲  
有項羅睺羅更來撞鐘佛又問言爾今聲不阿難大衆俱言  
有聲佛問阿難汝云何聲云何無聲阿難大衆俱言  
鐘聲若擊則名有聲擊久聲銷音響雙絕則名無聲

上答為倒此答為正蓋聲有生滅聞性常在迷情不了  
以聞同聲是以常為斷也

三責惑



佛語阿難及諸大衆汝今云何自語矯亂大衆阿難俱時  
問佛我今如何名為矯亂佛言我問汝聞汝則言聞又問  
汝聲汝則言聲唯聞與聲報答無定如是云何不名矯亂

二正密四 一顯常

阿難聲銷無響汝說無聞若實無聞聞性已滅同于枯木  
鐘聲更擊汝云何知知有知無自是聲塵或無或有豈彼  
聞性為汝有無聞實云無誰知無者 聲塵或有或無  
聞性未嘗有無所謂者無亦非滅聲有亦非生此即不生不  
滅真常性也夫知無者亦因聞根不可謂無聲則無聞也  
是故阿難聲於聞中自有生滅非為汝聞聲生聲滅汝  
聞性為有為無 牒上顯常也 二警發



汝尚顛倒惑聲為聞何怪昏迷以常為斷終不應言雖諸動靜

閉塞開通說聞無性 牒上警發使悟常性也 三驗常

如重睡人眠熟床枕其家有人於彼睡時擣練春米其人夢中

聞春擣聲別作他物或為擊鼓或為撞鐘即於夢時自怪

其鐘為木石響於時忽寤逆知杵音自告家人我正夢時惑

此春音將為鼓響阿難是人夢中豈憶靜搖閉閉通塞其

形雖察聞性不昏縱汝形銷命光遷謝此性云何為汝銷

滅 此驗勞生雖在倒妄生死常性不昏不滅也 四結告

以諸衆生從無始來循諸色聲逐念流轉曾不開悟性淨

妙常不循所常逐諸生滅由是生生雜染流轉若棄生滅

守於真常常光現前根塵識心應時銷落想相為塵識情



為始二俱遠離則汝法眼應時清明云何不成無上知覺  
不悟性常故逐諸生滅能守常性常果可莫矣前令審  
擇常性為因地心而阿難難辨難故此結告常光現前根塵  
消落者謂得其常心則妄塵自滅妄塵既滅法眼自明以此為  
因則十常佳果於是可獲故曰云何不成無上知覺

大佛頂如來密因修證了義諸菩薩萬行首楞嚴經卷第四

通切 蚘切 蝨切 渾切 胡見切 蒸切 諸切 湯切 遠切 第切 倏切 音 故切 邊切 烏切 蒲切 音 胡切 翳切 音 拒切 音 地切 邀切 於切 音 羅切 音 准切 之切 子切 緊切 烏切 吳切 泊切 音 拍切 音 拍切 汨切 音 汨切 娑切 音 莫切 織切 音 質切 音 粘切 音 粘切 頤切 蘇切 朗切 音 其切 證切 心切 港切 音 怪切 音 怪切 選切 先切 項切 音 項切 春切 音 春切 寒切 音 寒切 邊切 音 邊切

大佛頂如來密因修證了義諸菩薩萬行首楞嚴經卷第五

二修行真要  
得其門遂請修行方便前示真基則華屋之址也此示  
真要則華屋之門也文二

一解結真要二  
一阿難牒請

阿難白佛言世尊如來雖說第二義門今觀世間解結之  
人若不知其所結之元我信是人終不能解世尊我及會  
中有學聲聞亦復如是從無始際與諸無明俱滅俱生雖  
得如是多聞善根名為出家猶隔日瘡  
前第二義門今密業本文云不見所結云何知解故此